



kat.komp.

3668

III.

Mag. St. Dr.


P

Faltyn'ski Ioon. Stanislaw. Sacrum Apollinaris  
cytharæ melos in cunis vagienti Christo - de  
cantatum.

POËTAE POLON.

N. 9.2560







SACRVM  
APOLLINARIS CITHARÆ  
MELOS,

In Cunis vagienti

CHRISTO  
VERO DEO ET HOMINI,

DUM

Publico, ob eius auspicatissimum Na-  
talitiorum diem, Orbis Christianus  
exultat gaudio,

IN

Argumentum debitæ pietatis, & insignis læti-  
tiæ, Solenni voto & applausu,

Per

M. IOANNEM STANISLAVM FOLTYSKI  
*Cant: Philosoph: Doctorem & Professore, Contu-  
bernij Gelaniani Seniore*

DECANTATVM.

Anno reparatæ salutis humanæ 1667. Ipsis verò sacris  
Natalitiorum CHRISTI Domini Ferijs.

CRACOVIAE,  
*Ex Typographia Stanislai Piotrkowczyk, Sac. Reg. Mai.  
Typographi.*



Ecce in hoc paruo terræ foramine, cæ-  
lorum Conditor natus est; hîc in-  
volutus est pannis, hîc visus à Pasto-  
ribus, hîc demonstratus à stella, hîc  
adoratus à Magis

*S. Hieronymus.*

O beata infantia, per quā  
nostri generis vita, est re-  
parata! ô gratissimi dele-  
ctabilesque vagitus, per  
quos stridores dentium,  
æternosque ploratus eua-  
limus! ô felices panni,  
quibus peccatorum sordes



exterius! præsepe splen-  
didum, in quo non solum  
jacuit scænum animalium  
sed cibus inventus est An-  
gelorum.

*S. Augustinus Serm: 3. de  
Natiuitate.*

*Aspice quisquis amas, visenda palatia Crasi;  
Quam careat nitidis, sedibus ipse Deus.  
Pauperibus natum, Mater castissima, pannis,  
Iussit Solem, fasciolisque ligat.  
Qui terras latè, nitidum qui vestit Olympum;  
Nudus sub vili tegmine, vagit Amor.  
Prodigus effudit Deus omnia, factus egenus;  
Scilicet, ut tanto ditior esset homo.*

BIBLIOTHECA

UNIV.

JAGEL

GRACVIENSIS



Clarissimo, & Admodum Reuerendo Domino,  
**D. M. ADAMO**  
**MLYNKIEWICZ,**

Collegæ Majori, S. T. P. Ecclesiæ Colle-  
giatæ S. Annæ Decano, Scholastico Kurzelo-  
uiensi, Curato  
Zielonecen: Contubernij Gelamiani Prouisor, &c.  
Domino & Patrono fauentissimo.



*N*oua, & ante hoc tempus inaudita, Orbis Vni-  
uersus concepit gaudia, Clarissime & Admodum  
Reuerende Domine, dum lucidissimi Syderis,  
quod à tot saculis, tam in detentos Vmbis mor-  
talibus manes; quam in Vniuersum genus humanum,  
desideratissimos expectat. & Salutis, non derisabat ra-  
dios, conspectum in Cælo Virgineo lumen adorauit.  
Non enim unquam candor lucis aternæ, Veraq; luminis de lumine, diuini-  
tatis progenies, tantos generi mortalium afflicto, ac proinde squalore ni-  
mio inuolutio, attulisset dedissetq; latitiae fructus; nisi illam Sanctissima  
Virgo, uti humani generis amans, calitius in suum maternum delapsam  
gremium suscepisset. Quod non alia ratione, illam fecisse constat; quàm,  
ut in homine DEVS: in terris Dominus: in calis Sol iustitiæ agnosceretur.  
Attollit profectò mentium humanarum, incredibili felicitate, di-  
latatq; Sinus, ingens hæc orbis Christiani latitiae; cum lux illa inacces-  
sibilis: sit tandem in uili præsepio, accessu facilis: cum ignis ille consumens, non  
urit ad vindictam; sed inflammat ad dilectionem: cum maiestas illa  
immensitate sua terribilis, mensuram humanitatis sub intrat: cum ad  
extremum DEVS, & homo, infinitè sibi opposita suauissimo amoris nexu,  
& consensu, pacisq; aternæ Symbolo uniuntur. At enim uerò, si commu-  
nis hæc, orbis Vniuersi felicitas, communem omnium meretur, iunctam  
Venerationi latitiam; nec mea quoq; tenuis licet, striduloq; cantu minus  
composita, tanti beneficii ingrata debet esse Citharæ; quinimo solem hunc  
orientem, unum, solum, infantem quidem, sed fortem ac immortalem  
Monarcham, Regem, Dominum, naturam immutabilem, sapientia men-  
tem, robur calorum nunquam cessans, aterni Patris interminabilem  
splendorem: qui hymnos & laudes, qui Angelorum choreas, qui sæcula in-  
cessantia constituit, ut leto applausu salutet, ac veneretur, deuoti pectoris  
obsequio, congruum est. Atq; dum tanto syderi nouiter orienti, gratam  
grati animi tesseram offert, Tuum Clarissime & Admodum Reue-  
rende Domine, ad esse sibi exoptat patrociniū; ut eo presente,



non aliter, quam Achilles sub Atacis clypeo, tanta esse; nascentiq; ad repa-  
randam, humani generis innocentiam, Deo & homini, Sacra modulami-  
na, securè atq; grato ad cunas infantiles, prouoluta pietatis concentu, pra-  
stare & expedire possit. Quod sine dubio prestabit, suauitateq; sua in-  
fantiles, Christi in tunicis vagientis lachrymas, demulcebit; dum sentiet pla-  
cidissimam sibi adesse Fawonij Tui benignitatem, qui omnium ad Te tra-  
his attrahisq; animos, quiq; ob tot labores boni publici ergò susceptos, insi-  
gnem honoris, amorisq; literati mereris adorem. Et merito: quis enim  
non videat, quis non fateatur, dignam Academico pectore dexteritatem,  
Vigilantiam, constantiam; quas Tu Virtutes, à primo statim Academica  
Vita instituto, adeò in Te, insigni exemplo elucere fecisti, ut post impen-  
sam educationi nobilissima iuuentutis fidelem diuturnamq; operam: post  
probatam toties in luce publica, arduisq; negotijs Virtutem: dignus tan-  
dem inuentus sis; qui magnò Sapientissimorum Virorum Academiae ha-  
uius Procerum, iudicio, ad utriusq; Collegij amplissimam stationem vocari,  
& in eà debitis virtuti, & doctrinae Tuae ornamentis, honorari merueris.  
Grata hinc semper excellentibus ingenijs, & primoribus Academiae nostrae,  
integerrimi pectoris Tui Virtus & sinceritas extitit; ex quibus vel sola in  
Te magni olim & aeternā memoriā dignissimi Viri IOANNIS BROSCII;  
cum vniuersa eruditione, tum praecipuè Mathematicis disciplinis, immor-  
talem nominis gloriam, toto orbe promeriti, perpetua illa, & affectus opti-  
mi plenissima propensio, insigne esteritq; semper, optimi de Te omniam  
iudicij argumentum. Perspexit intellexitq; bene Vniuersus Academica  
stationis ordo, Tuam in rebus omnibus prudentiam, dexteritatisq; rationem;  
dum Tibi iura, privilegia, leges, & quidquid fortunarum habet commi-  
sit. In quibus defendendis, augendis, promouendis, amplificandis, tot la-  
bores, quot causas, tot difficultates, quot negotia, tot incommoda, quot iti-  
nera suscepisti. Suscipiesq; impavidus, magnos quosuis curisq; ingenti-  
bus plenos labores, dum sidus hoc, quod nouiter, in integerrimo cali Vir-  
ginei sinu, acq; uenit, suos diuinos, ac efficaces radios, in penetralia pectoris  
Tui immittet. Addet hic ipse in cunis vagiens paruulus, in cuius manu  
sunt omnia, longissimos dierum terminos. Conseruabit Te Ecclesia, Aca-  
demia incolumem, ut earum integritati prouideas. Promouebit candi-  
dissimam aetatis Tuae niuem, ad Nestorea victuram sacula; pectusq; illud,  
quo Tu ut in bonas literas, ita & literatos propēdes, ex quo & in me tot be-  
neficientia, & singularis patrocinijs argumenta deriuata, cum agnosco, gra-  
titudine & veneratione omni prosequi ea, & in luce publica fateri, aquis-  
simum censeo. Hec mea vota, mea optata sunt. Viue diu, ac mea Apollinari  
Cithara, sacrum melos soli iustitia concinenti, intime faue.

Clarissimæ & Admodum Reuerendæ

D. V.

deuotus Cliens.

M. IOANNES STANISLAVS FOLTYNSKI P.D.  
& P. Senior Contub. Gelan.



S A C R V M  
Apollinaris Citharæ Melos.

**L**Inquas profanum Phoebe melos, Tua  
Celestina sacrum promoveat, Lyra;  
Prostratus orbis cum dolorem  
Lætitiâ redeunte misit.  
Vmbres fugatis lux redijt polo  
De nube rupta ros sapidus pluit;  
Suaves Hymetto cum redundant  
Nectarei latices saporis.  
Iam melle dulci sæcula defluunt,  
Manantque rivis aurea flumina;  
Iam læta sacrorum caterva  
Spirituum, canit hocce Pæan;  
Æterna summo gloria sit Deo,  
Sit paxque terris, Diæque faustitas  
Lateris, ac tandem querelas  
Siste graves lachrymosa tellus.  
Oliva pacis nuncia fronduit;  
Hinc totus orbis prælia sanguinum,  
Postponat; auditumque coelis  
Tartaræ strepitum ruinæ  
Miretur? alto jam quis ab æthere  
Certavit Heros? quisve vel excitos  
Restinxit ignes impiorum  
Suppositos Solio Tonantis.  
Quis nam Gygantes Herculeâ manu  
Prostravit audax? Sacrilegum genus  
Extinxit, & flammæ Chimæræ  
Ac Erebi metuenda monstra,  
Fugavit? infans: en Leo maximus  
Coeleste pignus, Iudaicæ tribus,  
Victor, triumphatorque auerni,  
Cerberæo graue robur ori.  
Fulgens corusco sic puer æthere  
Præsepe durum deligit; est sui  
Honoris oblitus, stupetque  
Terra DEVM, stabulo latentem.

Con-



Contemnit aurum sponte sua puer,  
Ornata gemmis, alta palatia,  
Vanumque Cunarum nitorem,  
Postposuit, superum potestas.  
Non delicatus, balsama quem ferunt  
Odor renidet; Persica lumina  
Desunt: iaspis nec laborat  
Innocuas decorare Cunas.  
Est ipse Splendor, luxque sibi puer;  
Est fulgor, ignis, sydus, & aurei  
Insignis est thronus decoris  
Est Solium Deitatis almæ.  
Descende Tytan, conde iubar, nihil  
Iam lucis orbis noster eget Tuæ;  
Dictinna lassatum profundo  
Æquore merfa relinque currum.  
Sol ortus alto pulchior æthere  
Stellarum & Orbis Rector Olympici  
Ignescit, auratisque mundi  
Irradiat facibus theatrum;  
Lucis carentes munere quem Sacro  
Rorate cæli desuper inuocant  
Manes: hic ex altis misertus  
Crimen Adæ reparare, curas  
Venit per omnes. Conditor omnium  
Egenus, en hic in stabulo cubat;  
Regesque Pastoresque nudum  
Bos Asinusque genu salutant.  
Ach o stupendum! pauperies grauat  
Extrema Summi progeniem DEI;  
En vagit in Cunis, tenellus  
Fasciolisque DEVS ligatur.  
Iam nunc superbam ponite barbari  
Mentem tyranni, purpureus color  
Mutetur: & distincta palla  
Murice sanguineo recedat:  
Cum sic iacentem conspiciamus DEVM;  
Cui horret acri stramine lectulus:  
Fasces, Venustates, Tropæa  
Et celebres procul hinc triumpho;



Et quidquid auro, quidquid & omnibus  
Gemmis coruscat; vana nec amplius  
Fortuna splendescat superbis;  
Namque humilis puer alta spernit.  
En prædicandus Matris ad vbera  
Spectatur infans pendulus; en iubar  
Cœleste denudatur, & se  
Gaza poli pretiosa condit,  
Orbis potestas, summaque gloria,  
Humana Carnis vincula cur subis?  
Vbi illa maiestas decoris  
Et similes vbi sunt, paresque,  
Fasces honoris? dic vbi regium  
Sceptrum, paterni est imperij decus?  
Dicas vbi Sacrum Tribunal  
Quod Cherubin Seraphinque cingunt?  
Ex quo per omnes imperij Tui  
Diuina cunctis, iura dabas sinus  
Et iussa dictantem paterna,  
Ore pio capiebat Orbis.  
Sic illa tristis fors tulit, vndique  
Et pressit insons pauperies DEVM;  
Omnes refocilat quæ egentes,  
Ipsa licet propè destituta,  
Egensque rerum. quippe, modestiæ  
Exemplar orbi prodis, & Icaros  
Confundis omnes; turgidosque  
Hâc humili DEVS. alme sorte,  
Te clara cælo, gentibus vltimis,  
Afflata Sacro numine gratiæ,  
Mortalis æternum absque labe,  
Virgo parens peperit parentem.  
Gaudet Ioseph, & Simeon senex,  
Cœleste Carmen protinus occinit;  
In pace dimittique tandem  
Voce sacra modulante poscit,  
Dum tanta lucis gratia cœlicæ  
Affulsit orbi, grandeque maximi  
Iubar Redemptoris; quod alto  
Dulcis amor pietasque cælo



Deduxit, inter publica gaudia,  
Canora psallit dum niueis phalanx  
Demissa pennis, gratulantes  
Angelicae Veniuntque turmae.

Renate nobis IESVLE singulis,  
Pacem ferentem carmine debito,  
Quis TE sub humana latentem  
Rite DEVM celebret figura?

Nostre licet sis, nil opis indigens;  
Thus, numen, aurum, pignora Principum,  
Myrrhamque Regum Rex, Ducum Dux,  
Suscipis obsequio fideli.

Dant dona Reges, Regibus imperas;  
Dant astra lucem, nubila temperas;  
Villana Pastoresque dona  
Simplicibus Tua corda pandis.

O expetendum seruitij genus!  
Quo nulla Regum vita beatior.  
Adesto MLYNKIEVI ligato  
Fasciis, homini DEOQUE.

Confide, nil TE terreat arduum;  
Infantis inter dulcia brachia,  
Recumbe felix & beata  
Adnumeres Tua vota dextrae.

Hæc illa lux est, quæ micat intimo  
Ex Corde Patris; quam Tibi coelitus  
Posco fauentem, quæ perenni  
Irradiet Tua sæclâ luce.

Non dona poscit, non Arabum graues,  
Indique gazas, nec pelago datis  
Gemmis coruscantes coronas;  
Nec Libycæ pretiosa terræ

Metalla quærit. sufficit Vnica  
Medulla Cordis, sufficit intimi  
Amoris affectus, DEOQUE  
Semper amica boni Voluntas.

Hæc Tu placebis, sæclâque candida,  
Viues beatus; quod meritò Tibi  
Vouemus applausus, damusque  
Vota Sacris geminata Votis.

*Trinitati Sanctissima, & gloriosissima, honor, gloria, & gratia.*



Biblioteka Jagiellońska



stdr0018845



~~Polignak's door. Answer.~~

~~Answered by the same person.~~

~~Answered by the same person.~~